



UNIVERSITÄTS-  
BIBLIOTHEK  
PADERBORN

## **Institutiones Canonicæ**


**Schnorrenberg, Anno**

**Coloniae, 1740**

VII. Semel malus semper præsumitur esse malus.

---

[urn:nbn:de:hbz:466:1-62040](https://nbn-resolving.de/urn:nbn:de:hbz:466:1-62040)



## R E G U L A V I I I .

*Semel malus, semper præsumitur esse malus.*

**Q**Uæres primo. Quis hujus mirabilis Regulæ sensus & ratio?

B. Sensus & ratio Regulæ est: quamvis quilibet præsumatur bonus, ut suprà diximus, donec appareat malus, & legitimâ probatione de malitia fuerit convictus. *Cap. un. de scrutin. in Ord. faciend.* *cap. fin. de præsumpt.* Postquam tamen semel malus apparuit, ut quia pejeravit, prævaricatus est, adulterium commisit, tamdiu præsumitur malus, donec per pœnitentiam peccatum expiâsse, & animum mutâsse probetur. Colligitur ex *can. parvuli. 14. cauf. 22. q. 5.* & *cap. scribam. 9. de præsumpt.* Exemplum habemus in *cap. majores. 3. de Baptism.* ubi dormientes & amentes, qui ante somnum vel amentiam se nolle Baptismum suscipere declarant, baptizari prohibentur, quia non præsumitur, quod volunt.

tatem mutaverint, sed in priori contradictionis proposito, usque dum contrarium probetur, perseverare intelliguntur.

Quæres secundo. Quæ Regulæ limitaciones & exceptiones?

B. Sequentes. 1ma. Si tantum in principio, & non in fine actus fuerit malus, hoc est: aliquis delictum quidem inchoavit, sed non consummavit, voluntariè ab incœpto scelere desistendo, is animum mutâsse præsumitur. 2da. Non valet *Regula* in diversi generis delictis, sic qui malus fuit in adulterio, non præsumitur malus in homicidio. 3ta. Præsumptio *Regula* non est juris, & de jure, ita, ut in contrarium probationem non admittat, sed probato, quod malus patinuerit, séque emendaverit, ulterius esse malus non intelligitur.

## C A S U S .

**T**heobaldus in minoribus constitutus, postquam Clericatum habitu & tonsurâ aliquo tempore professus esset, deponit habitum, & publicè pro Laico habetur, cùm autem à Magistro violentiarum in enormitatibus reprehendetur, se Clericum esse dixit, quod cùm non crederetur. (A) In testem vocat

Sempronium, qui exceptione perjurii rejectus est. (B) Re cum Magistro violentiarum per solutionem pecuniae compositâ servitio Episcopi se addicit, apud quem furti accusatur à converso, qui ante ab Episcopo cum ancilla turpiter agere inventus fuerat. (C) Unde Episcopus tum per se, tum per alios *Theobaldi* actibus

bus studiosius invigilat, (D) Ab ipso beneficium petens examini se susterre jubetur, in quo ob incapacitatem rejectus fuit. (E) Deserto servitio Romam profectus Episcopum de gravi crimine accus-

sat. (F) Et rescriptum cum clausula: *Si persona fuerit idonea, ad beneficium impetrat, quod tamen Episcopus ei, nisi idoneitatem probaverit, conferre recusat.* (G)

## R E S O L U T I O.

(A) Clericus ut Laicus incedens Clericale non perdit privilegium, nisi tertio à Prælato suo monitus deposita seculari ueste Clericalem assumpsit. *Cap. in audience. 25. de sent. excom. Theobaldus*, tamen sine tonsura & habitu in delicto deprehensus per exceptionem Status Clericalis, cùm eam ad jurisdictionem Laicalem eludendam, & debitam pro excessu ultionem evadendam opponere præsumatur, censuram Judicis secularis subterfugere nequit, cùm malitiis hominum indulgeri non debeat, sed potius obviari. *Cap. ex parte. 27. de privilegiis.*

(B) Si quis pejeraverit, per quadraginta dies pœnitentia in pane & aqua, & septem sequentes annos, & nunquam sit sine pœnitentia. *Can. si quis pejeraverit. 4. caus. 22. q. 5.* Præterea nec testis post hoc, nec ad Sacramentum accedere, nec in sua causa, vel alterius jurator existere potest. *Can. parvuli. 14. caus. 22. q. 5.* Ideoque per Regulam Sempronius semel perjurus à testimonio ferendo justè repulsus fuit.

(C) Si *Theobaldus* in Episcopi servitio tanquam Clericus, & conservus ut Laicus versabatur, ab hoc iste judicialiter accusari non poterat, cùm Laicis Clericos accusandi non competat facultas.

*Cap. cum Manconella. 10. de accusat.* Quamvis ex hoc, quod in libidinis turpitudine conservus fuerit deprehensus, fides ei non sit deneganda per Regulam, cùm libidinosè agere, & calumniari diversi generis nolcantur esse delicta.

(D) Non tantum per Regulam 2. lib. 5. Episcopus res suas diligenter custodi re, absque eo, quod *Theobaldum* furem esse judicaret, sed etiam per Regulam præsentem velut suspectum & in malitia fœmel inventum omni studio cavere valebat, nec ipsi injuriam per hoc faciebat, cùm ex præteritis circa futura justa sit præsumptio. *Cap. mandata. 6. de præsumpt.*

(E) Omnes res & bona Ecclesiastica, beneficia, Ecclesiarum jura in Diœcesi ad Episcopi regimen pertinent. *Can. nullus. 11. caus. 16. q. 7.* Ideo providere incumbit Episcopo, ut beneficia dignis conferantur. *Theobaldum* ergo examini sistendo suum adimplevit officium.

(F) A denuntiatione Episcopi repellitur, qui eum non præmonuit. *Cap. si quis Episcopus. 2. de accusat.* Episcopi & alii Ecclesiæ Prælati non per quemlibet, sed per viros graves, providos & honestos accusandi sunt. *Arg. qualiter & quando. 24. & cap. fin. de accusat.* ne ad infamiam suorum quis facilè prosiliat



Prælatorum. *Cap. cum dilectus. 2. de calumniat.* Hinc calumniosa Diaconi à Subdiacono facta accusatio gravi mulcetur pœnâ in *cap. 1. de calumniat.* Dum Subdiaconatus officio privatus, verberibus publicè castigari, & in exilium deportari jubetur. Nisi ergo quid singulare, quo animus Pontificis contra Episcopum moveri, & ad inquirendum incitari posset, accusator *Theobaldus* attulerit, omnino rejiciendus est.

(G) Juxta Regulam à *Theobaldo* capacitatis ad beneficium justè Episcopus exigit probationem, nec impetranti patro-

cinatur *cap. adudum. fin. de presumpt.* ubi impetranti rescriptum ad beneficium cum clausula: *Si persona idonea fuerit,* necessitas se idoneum probandi non imponitur. *Cit. enim cap. rationem addit:* *Cum primâ facie presumatur idoneus, nisi aliud in contrarium ostendatur.* Cùm verò *Theobaldus* semel ob incapacitatem in examine Synodali fuerit rejectus, nec cum ex post aliquando admissum fuisse constet, rectè adhuc incapax presumitur; quapropter Episcopus ei providere non tenetur, nisi de novo examen subierit, & idoneitatem suam probaverit.



## REGULA IX.

*Ratum quis habere non potest, quod ipsius nomine non est gestum.*

**Q**uæres primo. Quid & quotuplex est fictio juris?

¶. Fictio juris est, quando jus fingit aliquid esse, quod non est, & hæc triplex est: *Inductiva, privativa & translativa.* Fictio *inductiva* est, quando lex vel Canon fingit aliquid esse, quod non est, sic defunctum in jacente hæreditate fingit vivere, qui tamen non vivit. *L. non minus. 31. ff. de hered. instituend.* Fictio *privativa* est, quâ aliquid non esse fingitur, quod re ipsâ est, ut Religiosus, qui vivit, pro mortuo habetur. *Can. placuit. 8. caus. 16. q. 1.* Demum *translativa* est, quando actus ab uno agente, uno tempore, uno loco, aut

modo factus à jure habetur, quasi ab alio agente, alio tempore & loco gestus fuisset, ita ratum habens vel approbans, quod à Procuratore suo nomine gestum, facit, quod suo nomine actum ab alio, fictione *translativâ* ab ipsomet gestum reputetur. *L. quo enim. 12. ff. rem ratam hab.*

Quæres 2. Quis hujus Regulæ sensus?

¶. Id, quod ab alio gestum est, ut quis ratum habendo per translativam juris fictionem suum faciat, requiritur, ut agens rem non proprio suo, aut alterius tertii, sed ipsius ratihabentis nomine illam gesserit. Ratio est: quia vera ratiabitio facit negotium per fictionem juris translativam suum, negotium autem,

quod